



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ԱՐԴԱՐԱԴԱՏՈՒԹՅԱՆ ՆԱԽԱՐԱՐ**

0010 Երևան Կ. Սարգսյան 3/8, հեռ. 594004
Էլ. փոստ info@moj.am

ՈՐՈՇՈՒՄ N 24 -Ա

Կառավարչի որակավորումը դադարեցնելու մասին

31.03.2021թ.

ք. Երևան

ՀՀ արդարադատության նախարար Ռուստամ Բադասյանս՝ ուսումնասիրելով Կարեն Ասատրյանի՝ սնանկության գործերով կառավարչի որակավորումը դադարեցնելու վերաբերյալ հարուցված վարչական վարույթի նյութերը.

ՊԱՐԶԵՑԻ

1. Էական նշանակություն ունեցող փաստերը.

1.1. ՀՀ արդարադատության նախարարությանն ուղղված 02.03.2021թ.-ի թիվ Մ/11771-2021 դիմումով (այսուհետ՝ Դիմում) սնանկության գործերով կառավարիչ Կարեն Ասատրյանը (այսուհետ նաև՝ Դիմումատու) խնդրել է դադարեցնել իր՝ սնանկության գործերով կառավարչի որակավորումը:

1.2. Դիմումի հիման վրա հարուցված վարչական վարույթի շրջանակներում 2021 թվականի մարտի 4-ին նշանակվել են լսումներ, որի մասին Դիմումատուն պատշաճ ծանուցվել է: Ծանուցումը ստանալուց հետո՝ 03.03.2021թ.-ի թիվ Մ/12054-2021 գրությամբ Դիմումատուն հայտնել է, որ Դիմումի վերաբերյալ լրացուցիչ բացատրություններ, միջնորդություններ և առարկություններ չունի: Ինչպես նաև խնդրել է 04.03.2021թ.-ին նշանակված լսումներն անցկացնել իր բացակայությամբ:

2. Կիրառելի իրավական նորմերը.

«Սնանկության մասին» օրենքի (այսուհետ՝ Օրենք) 29.2-րդ հոդվածի 1-ին մասի 1-ին կետի համաձայն՝ Հայաստանի Հանրապետության արդարադատության նախարարը դադարեցնում է կառավարչի որակավորումը, եթե՝ կառավարիչը դիմել է այդ մասին:

Նույն հոդվածի 2-րդ մասի 1-ին կետի համաձայն՝ կառավարչի որակավորումը դադարեցվում է՝ սույն հոդվածի 1-ին մասի 1-ին և 5-16-րդ կետերով նախատեսված դեպքերում որակավորումը դադարեցնելու մասին որոշումն ուժի մեջ մտնելու օրվանից:

3. Իրավական վերլուծությունները և եզրահանգումը.

Վերոշարադրյալ իրավանորմերի մեկնաբանումից պարզ է դառնում, որ, ի թիվս այլ հիմքերի, կառավարչի որակավորումը դադարեցվում է նաև այդ մասին վերջինիս կողմից դիմում ներկայացնելու հիմքով:

Կառավարչի կողմից ներկայացված դիմումի հիման վրա վերջինիս որակավորումը դադարեցվում է Հայաստանի Հանրապետության արդարադատության նախարարի որոշմամբ, որի ուժի մեջ մտնելու օրվանից որակավորումը համարվում է դադարեցված:

Տվյալ պարագայում Դիմումատուն Հայաստանի Հանրապետության արդարադատության նախարարություն ներկայացված դիմումով խնդրել է դադարեցնել իր՝ սնանկության գործերով կառավարչի որակավորումը, իսկ դիմումի հիման վրա հարուցված վարչական վարույթի շրջանակներում նշանակված լսումներին չի մասնակցել, ավելին, գրությամբ հայտնել է, որ Դիմումի վերաբերյալ լրացուցիչ բացատրություններ, միջնորդություններ և առարկություններ չունի: Ինչպես նաև խնդրել է նշանակված լսումներն անցկացնել իր բացակայությամբ:

Նշվածի արդյունքում գտնում եմ, որ առկա է «Սնանկության մասին» օրենքի 29.2-րդ հոդվածի 1-ին մասի 1-ին կետով նախատեսված հիմքը՝ սնանկության գործով կառավարիչ Կարեն Ասատրյանի որակավորումը դադարեցնելու համար:

Ելնելով վերոգրյալից և ղեկավարվելով «Սնանկության մասին» օրենքի 29.2-րդ հոդվածի 1-ին մասի 1-ին կետով և նույն հոդվածի 2-րդ մասի 1-ին կետով.

ՈՐՈՇԵՑԻ

1. Սնանկության գործերով կառավարիչ Կարեն Ասատրյանի (որակավորման վկայականի համարը՝ 20121102-00009, անհատ ձեռնարկատիրոջ պետական հաշվառման

համարը՝ 33.03996, գործունեության վայրի հասցեն՝ ք. Երևան, Բագրատունյաց 70, ծանուցման հասցեն՝ ք. Երևան, Բագրատունյաց 70) որակավորումը դադարեցնել:

2. Սույն որոշումն ուժի մեջ է մտնում սնանկության գործերով կառավարիչ Կարեն Ասատրյանին այն հանձնելուն հաջորդող օրվանից և կարող է բողոքարկվել դատական կարգով՝ ուժի մեջ մտնելու պահից երկամսյա ժամկետում:

X

ՌՌԻՍԱՄ ԲԱԴԱՍՅԱՆ